

DISSERTATIO MEDICA
INAUGURALIS,
DE
ARTHRITIDE.

QUAM,

ANNUENTE DEO TER OPT. MAX.

Ex Auctoritate Magnifici Rectoris,

D. ALBERTI SCHULTENS,

S. S. THEOL. DOCT. ET LINGUARUM ORIENTALIUM PROFESSORIS,
COLLEGII THEOLOG. ILLUSTR. AC PRÆPOT. ORDINUM
HOLL. ET WESTFRIS. REGENTIS. MSS. ORIENTALIUM
LEG. WARNER. INTERPRETIS.

NEC NON

*Amplissimi SENATUS ACADEMICI Consensu,
& Nobilissimæ FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus & Privilegiis
ritè ac legitimè consequendis,

Eruditorum Examine submitit

ALARDUS VAN DE VELD, ZUTPHANIENSIS,

Ad diem 8. Junii 1739. Horâ locoque solitis.

LUGDUNI BATAVORUM,
Apud JOHANNEM LUZAC, 1739.

DISSEMINATED
IN THE
MIND

REMARKS

ON THE
MIND

AND THE
MIND

AND THE
MIND

AND THE
MIND

AND THE
MIND

AND THE
MIND

AND THE
MIND

AND THE
MIND

DEO,
PATRIÆ,
PARENTI,
CONSANGUINEIS,
PRÆCEPTORIBUS,

ATQUE
AMICIS.

*Hanc Dissertationem, eâ, quâ
par est, reverentiâ,*

D. D. D.

AUCTOR.

DEO PATRIA

PARENTI

CONGREGATIONIS

RECTORIBUS

AMICI



DISSERTATIO MEDICA INAUGURALIS,

DE

ARTHRITIDE.

I.



abstrusorum morborum, quibus Homines non raro miserrime affliguntur, princeps Arthritis, affectus quidem diuturnus, seu chronicus, verum acutissimis diserucians tormentis, omni adhibito auxilio pertinacissime resistens, uno tempore furens, quiescens altero; & dum maxime sævit, vires manifestat patienti, indolem ut plurimum occultat Medico indaganti. Tot insignium Medicorum ingenia ab Hippocrate ad nostra usque tempora torfit formidolosa hæc jucundæ vitæ insidiatrix, nulli cognita ex integro. Temerarius videri possem assumendo pro Specimine Inaugurali affectum cognitu difficilem, tractatu durum, eventu tristem: facile nihilominus excusandum,

sum, eo quod morbus ipse, quantusque tyrannus sit, æque ac alii indicet sui ablationem, ægrique ubivis obvii lenimen efflagitent; frequentius Juniorum, quam Seniorum opem implorent, horum torvum contra pertinaciam morbi vultum averfantes, illorum alacre audendi conamen approbantes: Audaces fortuna juvat. Placuit igitur, quantum virium tenuitas permittit, in naturam hujus morbi inquirere, quæ subsint causæ, quis agendi modus, quis eventus, & quibus remediis tolli, aut cicurari possit. *Medici partium est, eniti ad reperiendam sanitatem.* Cels. L. VII. C. 3.

§. I I.

Definitiones hujus morbi apud Auctores variant, & quo majori arte videntur fabricatæ, eo minus genium morbi explicant. Prudentiores ex signis eam definiverunt, cum hæc causis notiora sint; hinc præter morbi præsentiam vix quidquam de ejus natura manifestant. Qui a materia tartarea, sulphurea, mercuriali, vitriolica definitionem stabilire contendunt, demonstrare prius debuissent ejusmodi materias in œconomia animali præsentem esse, cum verò eorum asserta fundamento careant, iis non immorandum existimamus. Simpliciter cum Celso dicimus esse dolorem articulorum.

§. I I I.

De partibus affectis non conveniunt Auctores, saltem partes illæ afficiuntur, quæ exquisito sensu gaudent, ut periosteum, tendines, nervi, membranæ, ligamenta, in quibus humorum transitus difficilior; nec cartilagine excludimus, cum tractu temporis in gypseam quasi materiam solvantur; Operose has partes examinat Bohnius, varia argumenta, & casus in cadaveribus hoc morbo extinctorum adducit, ut apud eum videre est. Posito partes affectas esse optime cognitæ, restat scire, & exponere modum, quo causa morbi agat, & cujus indolis hæc sit, quod profecto difficillimum cuique videri debet, nisi fig-

figmenta adducendo acquiescere velit; quoad modum commune refugium est dicere: *stimulando*. Cuius certe foret terminus, si unum tantummodo indicaret; at hic multiplex est: verum alia stimulant premendo, alia distrahendo, alia solvendo, alia leniter, aut acriter irritando, alia aliis modis molestam dolorificamque perceptionem, nervos in heteroclytos motus concitando, efficiunt. Manifestum proinde diversas quoque causas ad stimulandum concurrere, quas, ut de stimulo iudicium ferri possit, investigare, invenire, & demonstrare oportet.

§. I V.

In pressionem, ut & distractionem inquirere supervacaneum arbitramur, nam quantumvis humorum motus auctus est, omnia vasa corporis distendens, dolorem articulis non infert, potius sensum lassitudinis, & motus impotentiam efficit; sola igitur irritantia, & solutionem molientia, non quanto, sed potius quali peccantia stimulum hunc producere videntur. Hoc admissio brevior erit via inquirendi in veras causas, tam efficientes proximas, quam antecedentes.

§. V.

Diximus §. IV. in quali peccantia stimulando, aut solutionem moliendo Arthritidem efficere: in qualitem ergo inquirendum, ut inveniatur remedium oppositum, & modus illud applicandi; cum vero hic morbus vario schemate tragœdiam ludat, differentiæ, & signa sunt præmittenda, quorum rationes, ex ipsa præternaturali humorum qualitate postea dicenda, exponemus.

§. V I.

Ratione causæ dividitur primo in Idiopathicam, Protopathicam, Deuteropathicam, Hæreditariam, Connatam, Acquisitam.

§. V I I.

§. VII.

Idiopathica est, quando humores languente motu animali, ut in vita sedentaria, in periosteo, tendinibus &c. stagnantes, corrupti, irritationem, dolorem creant; hac ratione quies ad concretionem fluidorum, & secessum in partes non parum contribuit, unde torpor omnium actionum, & foecunda multorum morborum, & praecipue hujus affectus, origo existit.

§. VIII.

Protopathica est, dum humores, a statu naturali degenerati, ad angustos harum partium canales motu circumductorio deferuntur, ibi loci transire non potentes, nervos afficiendo dolorem inducunt.

§. IX.

Deuteropathica est, cum corrupti humores, ex loco affecto ad dictos canales delati, novum ibi morbum excitent, ut post inflammationes, suppurationes, infarctus viscerum, febres chronicas, observante Hippocrate, contingere solet: *Quibus febres longae, his tubercula ad articulos, aut dolores fiunt. Aph. 44. Sect. IV.*

§. X.

Hæreditaria est, quando a Patre, vel Matre hic morbus in Filios, vel Nepotes, Patre libero existente, propagatur, juxta vulgare distichum:

*Sic patris in natos abeunt cum semine morbi,
Propagatque suum mater amara malum.*

Ratio hujus fundatur in defectu quodam singulari ad perficiendos

dos bonos humores. Qui feminium morbificum dicunt, nil explicant; morbus enim non est creatura femine propaganda. Qui præter deficiens requisitum ad actionem laudabiles humores parandi alias causas adstruunt, minus medicè loqui videntur.

§. X I.

Connata est, si Mater cæterum sana, tempore gestationis errore diætæ, ut nimio otio, &c. in hunc affectum incidat, & eum fœtui, communem cum Matre vitam agent, communit, ut sic Arthriticus nascatur, aut matura ætate ea corripiatur, dum vis vitæ major, & canales solidiores facti magis resistunt; licet id rarius contingat, fieri verò posse ratio persuadet, & aliquando factum referunt Practici.

§. X I I.

Acquisita est, quæ post nativitatem oritur a vitio commisso in sex rebus, quas Medici vocant nonnaturales.

§. X I I I.

Ratione subjecti utrumque sexum data occasione adoritur, nulla quoque ætas ab ea secura, quanquam Hippocrates dicat *Aph. 28. Sect. VI.* Eunuchos non laborare Podagra: nec Mulieres, nisi menses ipsis defecerint, *Aph. 29. Sect. eadem;* nec Pueros ante Veneris usum, *Aph. 30. Sect. allegata.* Nilominus observationes docent, ut a Cl. Domino Oosterdyk Schacht, longo rerum usu expertissimo Professore meo ad cineres colendo, in Collegio Practico audivi, non tantum pueros ante Veneris usum, verum teneros infantes hoc morbo laborasse; item fœminas quibus menstrua legitimè processerunt.

Forte constitutio aeris, aquæ & loci, in quo Hipp. degit, item ratio victus in causa fuere, quod Hipp. Eunuchos, Mulieres, Pueros exceperit. Frequentius tamen accidere solet post trigessimum annum, notante Clar. Boerhaavio. in aureo suo

libro de cognoscendis, & curandis morbis, Aph. 1255.

§. X I V.

Quamquam ratione subiecti nulla ætas immunis sit, frequentius tamen adoritur adultos, quàm pueros, frequentius adhuc senes, quàm adultos; si senes corripiat, præclare notat Sydenham, eam rarò fore periodicam, eo quod vita citius deficiat, quàm morbus ad statum pervenire possit. Accedit, quod si senes semel invaserit, nunquam eos perfecte sanos relinquat ob vires vitæ ex se jam deficientes, ipso morbo magna ex parte consumptas. Præterea materia Arthritica iniis semel fixata, ob vitæ defectum, nec movetur, nec subigitur, ut ad alia emunctoria reducatur, & eliminetur, quod non ita in juvenibus obtinet; raro senex quin conqueratur de doloribus juncturarum, non quod ipsa Arthritis in iis præsto sit, sed quod gluten illud pingue Haversianum, ossium extremorum in articulis lubricans, deficiat, & ligamenta exsiccata, & ad motum inepta reddita fuerint.

§. X V.

Ratione tempestatis ut plurimum incidit, redit tempore verno, & autumnali, quoniam hisce temporibus, maximè vere, humores moventur: *Vere calor redit ossibus.* Virgil. Autumno mutatio aëris insolita & fructus horæi, ut causæ pro-catharticæ, prædisponentem in actum deducunt. Aëre pluvioso existente Arthritides contingere scribit Hipp. Aph. 16. Sect. III.

§. X V I.

Ratione indolis dividi solet in fixam, & vagam, hæc totam œconomiam animale oberrans, nunc articulos pedum, nunc manuum, nunc coxas, humeros, spinam afficit: cæterum genibus magis infesta, lumbis, & coxendici, quandoque ce-
re-

rebrum, pulmones, vel alia viscera discrucians; at si viscera afficiat, potius Rheumatismus dicendus: nec alia videtur differentia Rheumatismum inter, & Arthritidem, nisi quod Rheumatismus sit universalior, Arthritis modo circa juncturas quorumcunque artuum; dum materiæ Rheumaticæ ad has partes contingat fluxio, collectio, obstructio propter angustias canalium, irritatio nervorum, rosio, dolor verbo Arthritis. Quænam autem materia Rheumatica sit inferius inquiremus. Fixa verò est, quæ sedem semel occupatam constanter servat.

§. X V I I.

Ex dictis (§. XVI.) sequitur Arthritidem esse speciem Rheumatismi hinc inde in corpore oberrantis, *Chiragram*, seu dolorem articulorum manuum, *Gonagram* genu, *Podagram* pedum, *Malum ischiaticum* ossis coxendicis esse species ipsius Arthritidis, quæ suis nominibus partem affectam indicando se distinguunt. An Arthritis est vera inflammatio cum dolore, tumore, febre? An resolutione terminatur? An in alios morbos abit?

§. X V I I I.

Signa diagnostica, seu præsentia, five vaga, five fixa fuerit, sunt sequentia: percipitur tumor, rubor, dolor in juncturis ad motum invalescens, major vel minor, prout causa major, aut minor subest; febris continua ad 14. primos dies; urina prodit coloratior, quiete sedimentum rubrum, & quasi arenulis refertum deponens; alvus in principio constipata; appetitus imminutus. Vid. Boerh. *Aph.* 1261.

§. X I X.

Signa anamnestica, quæ ut causas antecedentes consideramus, sunt primo aër nebulosus, pluviosus, austrinus, impurus si æger in eo diu degit, humi sub dio per noctes dormi-

vit, hac occasione facile immedicabile Rheuma contrahitur, nisi mox artis auxilium adhibeatur; item calefacto corpori subito admissum frigus.

§. XX.

Alimenta nimis exquisita composita, ut varia eduliorum genera, aromatibus palato gratis scatentia, ex diversissimis conflata, quibus ars culinaria plus valet ad producendos morbos, quam Natura, & Medicina ad eos sanandos. *Tria mala eveniunt ob ciborum varietatem; nimium comeditur, minus coquitur, & minus perspiratur.* Sanct. Med. Stat. Sect. 3. Aph. LI. Veritatem aphorismi hujus quilibet affirmabit; grata varietas speciose ornata blanditur oculis; aromaticorum admixtorum effluvia ad olfactus organum pertingentia mentem ad appetendum excitant; gustus exquisitos saponem advertens, hi vero cum cito viam, in qua gratiam pariunt, transeant, ulterius percipere gestit; hinc impletio oritur, hinc ventriculo & toti naturæ bellum movetur, tam in quanto, quam in quali. Moles nimia excedit vires digestrices, inde cruditas, & morbi spontanei, &c. Qui causis hisce non positus minimè nati fuissent, inquit idem Sanct. Sect. 3. Aph. LXXXIX. *Nemo incidet in morbum, si sedulo prævideat, ne cruditatibus laboret.* Aromata quæcunque oleum acre in se continent, quod in corpore nostro calore, humore, attritu solutum, in minimas moleculas divisum, liquidis nostris mixtum, in minores canales fertur, nervosas membranas in contractionem stimulat, quæ irritatæ promovent ingratum hospitem in canales minores, minoresque, donec inveniat resistentiam non superabilem, uti in membranis tensis, ut periosteo, vasis ligamentorum, &c. hoc in loco destructor inimicus moratur. vires exerit, solutionem partium molitur; distensionem, tumorem, dolorem creat, febrem excitat, donec spontanea mutatione, blando vitalium humorum accessu, mobilis redditus, reliquæ massæ sanguineæ communicatus, ad emunctoria naturalia lege circuitus expellatur, ægerque pro tempore liberetur, aut ad alias partes feratur.

tur. Solutionem hanc quoque fieri concipimus, si vascula ultra tonum infarcta, elatere suo destituantur, ubi humorum a tergo appulsu incarcerata materia propellitur, & sic causa morbi expulsa, quiescit effectus, donec recuperato elatere rursus infarciantur eadem passura. Hæcce ratiocinia confirmat periodus, fixatio, vasculorum cum materia obstruente in calcem conversio; item juvamen ab aqua affusa, urina crassa, multa, alba reddita; dysenteria &c. Horum omnium rationes ex antedictis demonstrandas suscipimus, imo quænam sit materiæ indoles, & quis modus agendi, quod supra promissimus.

§. X X I.

Potus generosus affatim sumptus, ut vinum rhenanum &c; liquorum spirituosorum abusus vascula ante terminum indurans, humores coagulans, secretiones, & excretiones turbant.

§. X X I I.

Victus austerus, vita laboriosa quoque miseros tenuioris fortunæ homines in hanc calamitatem præcipitant, sed hos moderata quies, bonum alimentum, vinum generosum, curare possunt, licet in ditioribus sint causæ morbi.

§. X X I I I.

Vita desidiosa genio indulgens, somnus protractus, curioso victu utens, Arthritidem accersere solet.

§. X X I V.

Animi affectus tristes maxime corpus ad hunc morbum prædisponunt, humorum circuitum tardando, in hoc animi pathemate actio cordis adeo est imminuta, & resistentia solidorum adeo aucta, ut vix ad extremos fines humores vitales defe-

rantur, quod demonstrat pallor, frigus, quo solent affici, emaciatio totius corporis, digestio fere abolita, ut quandoque immemores sint necessitatis reficiendi corpus. Qui igitur a Parentibus Arthriticis nati sunt, cane, & angue pejus fugiant tristitiam. Effectibus hujus pathematis probe consideratis, licet modum agendi ignoremus, facile concipimus stagnationes in vasculis ligamentorum nasci posse, & ita causam proximam generari. In his consistit ille character Podagricus Helmontianus, qui certe est ens physicum juxta tritum illud: *tangere, vel tangi, nisi corpus, nulla potest res.*

§. X X V.

Evacuationes consuetæ suppressæ, ut hæmorrhagia narium; hæmorrhoides; purgationes menstruæ in sexu sequiori; sudor; perspiratio sanctoriana; urinæ parcius secretio; fluxus alvi quibusdam familiaris, non debilitans, præposterè cohibitus; maxime ad hunc morbum suscipiendum corpus disponunt. Hac ratione inductus videtur Hipp. dixisse, mulieres hoc morbo non laborare, nisi ex defectu mensium & 2. *Proreth. Fit autem hic morbus iis, quibus in pueritia, & juventute sanguis ex naribus fluere desit.* Item evacuationes nimix naturam debilitantes, ut bonum succum nutritium generari nequeat, ut venæ sectiones nimis frequenter repetitæ; purgationes inconsultæ; & similia, quæ privando corpus bonis humoribus varias Cacochyurias inducunt, assumpta enim per actiones vasorum, & viscerum, humoresque inquilinos in nostram substantiam converti debent; si in his defectus sit, cruditates generari necesse est, *Causarum princeps immoderata Venus*; si his reliquæ causæ hucusque recensitæ accedant, Arthritidem facile produci obscurum non est. De dispositione hæreditaria, & morbis prægressis superius dictum, vid. Boerh. *Aph. 1255. & seq.*

§. X X V I.

Causa proxima est obstructio vasculorum minimorum arteriofo-

forum, nervosorum liquido crudo, tenaci, acri stimulante ad transitum inepto, ipsorum canalium angustia errore diætæ acquisita, vela dispositione hæreditaria; talis cruditas debetur ingestis, debilitati viscerum, excretis, & retentis, ut suo loco diximus.

§. XXVI.

Hic affectus, licet non lethalis, tamen adeo curatu difficilis semper habitus fuit, ut jam cecinerit Ovidius:

Tollere nodosam nescit Medicina Podagram.

Et divus Senex contracto, & completo fermone, sistit multorum annorum serie per experientias consuetum morbi hujus exitum edoctus, 2. *Proreth.* de Podagra hæc habet: *quicumque aut senes sunt, aut circa articulos callos tophaceos habent, aut ærumnose vivunt, siccam alvum habentes, hi omnes sani fieri non possunt humana ope, quantum ego novi; sanat hos quidem optime dysenteria, si supervenerit, sed & aliæ eliquationes valde prosunt, quæ ad infernos locos repunt; qui vero juvenis est, & circa articulos nondum callos habet concretos, & accurate vivit, & laboris amans est, & alvum bonam habet ad obediendum pro studiorum ratione, hic sane Medicum intelligentem nactus sanari poterit.*

§. XXVII.

In his §. XXVII. & antecedentibus, sparsim, sed ordine dictis, omnia continentur, quæ de Arthritide dici possunt, tam quoad causas, quàm quoad eventum, quantum ex optimis Auctoribus scire & ratiocinio assequi potui; si adjiciatur, quod etiam in juvenibus, licet, ut Hipp. suadet, prudenti Medico obedire vellent, sanatio integra sperari nequeat, quatenus alteruter parens ante Podagra laboraverit, atque æger jam pridem paroxysmum sit expertus; si vero, prognatus licet a parente podagrico, nunquam ante hunc morbum passus sit, tunc

tunc bonis remediis interdum effici posse putamus, ut de futuro morbus avertatur: non enim necessario per hæreditatem transfertur, ut experientia docet; quanquam propagatio frequentior sit.

§. X X I X.

Acquisitam Arthritidem, seu Podagram sanabilem esse, & sanatam sæpius fuisse asserunt Hartmannus, Helmontius, alique plures; spei igitur, & medicamentis locus est.

§. X X X.

Dirus licet morbus sit, vix tamen eo quisquam interimitur, nisi ad extremum multorum annorum decursu pervenerit, ubi paulatim ad interiora vitæ penetralia repit, actiones naturales lædit, tum integram spinam dorsi, & vertebrae cervicis invadens, diu supervivere non permittit, natura demum debilitatur, ut materiam Arthriticam amplius subigere, & ad exteriora amandare nequeat, sed in visceribus, nervisque relinquere cogatur, & sic causa morbi causam vitæ superat. Quidam dicunt se dolorem Arthriticum in ipso ventriculo persentiscere, forte a consensu nervorum octavi paris alibi affectorum, hoc signum est mortis brevi subsequaturæ. An Arthritis est morbus nervorum? Juvantia nervina videntur id docere, qualia sunt spiritus lavendulæ sæpius rectificatus; albumen ovi recens conquassatum deglutitum.

§. X X X I.

Qui in provectiore ætate Podagrici fiunt, plerumque sunt robustioris constitutionis virium naturæ nimium fidentes, vino, veneri indulgent, in errores diætæ fusque deque ruunt, maluntque diros dolores ferre, quam a perverso vivendi more recedere, hi curari non possunt, inutili sua libertate abutendo in feros annos doloribus torquentur, donec vita succumbat.

con-

Contra si morigeri sint, & prudentem Medicum nacti, si non penitus liberantur, saltem tolerabiliores experiuntur paroxysmos.

§. X X X I I.

Non igitur tantum morbi magnitudo consideranda, ut Epitrotes Philippus in amico Regis Antigoni hydropem consideravit, sed & animus ægri, ut nobilis Medicus Chrysippi discipulus animum ejusdem ægri pro signo mali eventus respexit; hic ex eo mortem, ille ex mediocri morbo salutem promisit. Mors intemperantiam secuta, confirmavit augurium hujus; mediocris morbi status fefellit prædictionem illius. vid. Cels. L. III. C. 21.

§. X X X I I I.

Metum mortis non solet incutere cum potius senio, quam Podagra confecti moriantur, nec ipsi ægri paroxysmum quot annis bis vel ter reducem, aliquoties experti mortem ex morbo formidant. Huc pertinet dictum Celsi: *Facile securus est aliquis in iis, quæ sæpe sine periculo evasit.* L. II. C. 2.

§. X X X I V.

Quæri posset: an Podagra conducit ad longævitatē? Huic quæstioni respondere potest: protractæ vitæ Podagricæ duæ potissimum sunt rationes. 1. Hi ut plurimum robustiores fuere, & organa vitalia ut cor, pulmones, validiora habuere, hinc laudabiles humores (qui optime medicamenti antipodagrici vice funguntur) confecere; nunquam vitæ discrimen, si ejus causa sit fortior causa morbi; per vitam hic intelligimus omnes actiones superstitēs. 2. Solent vitare noxia, omnesque causas, quibus dolores exasperantur, experientia edocti, quæ lenimen adferunt. *Quisque experimentis in se credere debet,* inquit Cels. L. IV. C. 19. Et Ovid.

*Qui semel est læsus fallaci piscis ab hamo,
Omnibus unca cibus æra subesse putat.*

§. X X X V.

Curatio hujus mali in eo potissimum consistit, ut remedia causis opponantur, quæ si cognoscantur, corrigi, & superari utcunque poterunt. Si vinum, venus, edulia, otium ansam dederint, assuescat potui aquoso, abstinentiæ, victui simplici, labori; si animi affectus; quies animi imperanda; si dispositio hæreditaria, & morbus nondum præsens; dictæ jam causæ evitentur, propositaque remedia adhibeantur; si evacuationes suppressæ morbum induxerint, debitis remediis revocentur, si viscerum debilitas ab inanitione, aut victu austero cum duris laboribus, protractis vigiliis, adhibeant potum generosum, alimenta boni succi, quantum res domestica ferre videtur; si vero senio vires confectæ, electo Medico dignum est nil agere, inquit Helmontius. *Natura repugnante nil Medicina proficit.* Cels. L. III. C. 1. Ne vero a Medico deferi videatur, blandum victum ei imperare, & quædam lenientia præscribere poterit, ast tractare senem Podagricum res est ut plurimum Medico molestissima, hinc semper antipathia inter ipsos, & seniores Medicos. Si nunc Medicus ipse Podagricus sit, ut Sydenham, tanto pejor, nisi cum iis joculari amet.

§. X X X V I.

Causis igitur bene cognitis ipsa ægri constitutio, indoles, mores quoque perpendenda sunt: sunt quædam proprietates hominum, sine quarum notitia non facile quidquam in futurum præsagiri potest. Cels. L. II. C. 2. Dico, nec morbus hic curari. Solicite proinde inquirendum, quid in ægro morbum exasperet, & a quo lenimen sentiat; a juvantibus enim, & nocentibus optima habetur indicatio, quod uni in salutem, sæpe alteri in mortem operatur; si acrimonia acida, ut a vinis aci-

acidis, conveniunt alcalia fixa, volatilia; si alcalina; antedicta erunt medela.

§. XXXVII.

Si scorbutus, alique morbi viscerum, febres diuturnæ, Arthritidem induxerint, ii primo curandi, ut causa auferatur: si nosco causam, inquit Sydenham, par scio morbo remedium, nisi partes destructæ sint.

§. XXXVIII.

Ex generalibus præmissis ratio victus, reliquarumque rerum non naturalium usus intelligitur, in quibus potissima curatio consistit.

§. XXXIX.

Curam specialem, nescio quo molimine, instituunt Practici, minime inter se convenientes, unus hanc, alter aliam in ægro causam agnoscit. Felicem puto eum, qui ægrum ipsum, signa, symptomata, partis affectæ indolem, actionem pro auctore habeat, dummodo solida institutionum doctrina, qualem Cl. Boerh. dedit, imbutus fuerit, cui ipse incomparabilis vir praxin suam superstruxit, habuitque exitus longe felicissimos.

§. XL.

In cura igitur speciali primo consideranda ætas ipsius morbi: an modo periodicus sit, & quænam ægri constitutio, a qua causa, sive vaga, sive fixa fuerit Arthritis, parum refert, qui fixam curare noverit, vagam facile superabit, cum causa ejus mobilior sit, & leviori negotio ad universalia, aut particularia emunctoria duci queat. Sumamus pro exemplo Podagram, utpote affectum frequentiore primario oriri solitam, si hanc quis sanare sciat, aut imminemtem præcavere, Gonagram, ischiaticum Ma-

lum, Chiragram, & similes Rheumatismi proles & curare & præcavere poterit. Considerabimus eam in statu adulto, ut ejus contra remedia pertinacia, horum verò contra illam vires innotescant luculentius. Quamquam Lucianus dominatricem contra omnium remediorum genus sævitiem comicè depingat, ut apud Sydenhamum videre est; minime tamen de subjugatione ejus desperandum; creavit Deus medicamentum, arma igitur dedit, quibus eam in & externe adoriemur. *Humanitatis est etiam desperatis ferre auxilium.* Solenander.

§. X L I.

Externa medicamenta commode ad duas classes reduci possunt: 1^o. solutionem continui inducentia, ut V. S. scarificatio, cauteria; V. S. morbum non attingit, licet inflammatorius sit, nisi forte a nimia fluidorum copia ortum duxerit, recensque fuerit, ut excessu sublato appropriatis alimentis laudabilis chylus, & reliqui humores promptius, elaboratiusque conficiantur, quibus ipsa natura, utpote medicatrix optima obstruos recessus penetret, causamque inibi latitantem moveat, subigat, exterminetque. Scarificationes, & Cauteria aut raro, aut nunquam in usum vocanda existimamus: profundius subsistit malum, quam ut novis his morbis inductis expugnetur, quin potius exasperetur irritata in sede sua dominatrix. Verum aliis nil proficientibus ad epispastica confugere quandoque licet, maxime in initio in pituitosis, in quibus lenta humorum circumductio, ut oriatur febricula primo in loco affecto, dein motus totius massæ sanguineæ acceleretur, ut hac ratione causa morbi mota expugnetur. Audax nihilominus consilium hoc atrox dolorum cruciatus fere semper repudiat, qui sui mitigationem indicat. Hanc medendi rationem, qui feret pars affecta, quæ levis plumæ in aëre volantis attactum formidat? si massa humorum sit scorbutica, & malum altas radices egerit, inefficacia erunt prædicta omnia heroica remedia, tum nec pede amputato cessat dolor Podagricus, Vid. Helm. *Tract. de Podagra.*

§. XLII.

§. X L I I.

Ad alteram classē medicamentorum externorum pertinent fomenta, cataplasmata, emplastra, balnea varia, inunctiones, strictiones, quæ tum prosperos, tum sinistros effectus exerunt, ut experientiis multorum annorum decursu natis cognitum est, singula breviter attingemus.

§. X L I I I.

Fomentorum simplicissimum, forte & efficacissimum est aqua tepida, quæ blanda nec ex se acrimoniam acquirens, dum vero ab effluviis actione vitæ eductis eam alterari contingat, facile renovari poterit: accedit quod exhalantium cum aqua communicatio præcaveri queat, si laxæ vesicæ inclusa parti applicetur; hocce fomento calorem diutius servante ad omnem partis superficiem accommo, laxantur omnia ad intima usque. Opponi hic posse videtur, augeri inde causam morbi, in quantum causæ morbificæ majus spatium ad sui incrementum conceditur; argumentum hoc concedere tenemur, si fomes mali in sanguine scorbutico hæserit, ejusque indolis sit, ut per laxatos canales transire nequeat; si autem hoc in casu moles fluidorum insimul minuatur, cacochymia cognita corrigatur, tantum abest, ut quid sinistri ab hac applicatione metuamus; interna sunt prima indicantia, in quorum gratiam externa fiunt. Egregia est hujus medicamenti externe applicati securitas, nullus ab eo repulsus ad interiora, contra materiam Podagricam intempestivis applicatis ad vitalia cum summo vitæ discrimine repulsam ad suam sedem revocare, obsessa vitæ organa fatali hoste liberare potest quam promptissime solo igne, croco maritata; interne illum aggrediendo, externe ipsi locum parando. Dum vero ipsi impar videtur, & plena discriminis symptomata moram non concedunt, epispasticis femoribus, cruribus applicatis, potiunculis aromaticis, vino generoso ipso adjuvanda. Mala repulsionem subsequen-
tia recenset Cl. Boerh. Aph. 1273. solent esse effectus, seu

epigeneses arcanorum antipodagricorum, quibus medicaſtri pro modico ægros reficiunt, extolluntque, ut lapſu graviori ruant. De fomentis compositis mucilaginoſis nil dicam, hæc enim virtute aquæ penetrantis juvare ſolent; Spiritus laven-
dulæ in quo ſapo venetus cum pauxillo opii ſolutus, digeſtus, linteis calidis applicatus sæpe mira præſtat in mitiganda dolo-
rum sævitie, eſt in eo ſolvens, roborans, ſopiens, & blande ſtimulando pellens; Verum in ſimilium applicatione materia morbi ad emunctoria invitanda eſt repetitis clyſmatibus, ecco-
proticis purgantibus, itaque ductum ipſius naturæ imitamur, quæ ſolvendo, & evacuando ſanat, obſervante Hipp.

§. X L I V.

Cataplaſma primarium eſto ſtercus bubulum ab animali ad-
huc calens ſimplex, aut paucò aceto calido imbutum, quo do-
lores Podagricos citiſſime mitigatos novimus: potentiùs agit,
ſi veſica aqua calida laxè impleta ſuperimponatur, hoc plus
facit, quam ab ullo alio mihi cognito exſpectari poſſit. Opor-
tet autem parti nudæ applicare, ut vapor animalis in eam ſi-
mul agat; qui noverit ab effectu ejus efficaciam, non opus
habet in viva animalia crudeli manu sævire, ut columbas, cu-
niculos vivos diſſectos imponere.

§. X L V.

Emplaſtra quid in hoc affectu præſtent, non determino,
multi ea non ferunt; ſolent oſcula exhalantia magis occludere
quam aperire; forte de ladano quid exſpectandum, ſed ſecu-
ra magis ſunt, quæ ante diximus.

§. X L V I.

Balnea ſunt vel frigida, vel calida, calidorum vi in fomen-
to explicata. Frigidorum aqua ſimplex immediate applicata,
aut ſtillicidio ex alto uſum habet, dum vaſa ad materiam re-
pel-

pellendam roborantur, quod maxima cum cautela fieri oportet, ne pericula Aph. Boerh. 1273. inducantur; in nascenti locum habent, minime in nodosa, & scorbutica, corrige fontem, & puri fluent rivi.

§. X L V I I.

Inunctiones variæ sunt, quidam oleum terebinthinæ in quo camphora, & opium solutum partem affectam inungunt, sed caute cum opiatis mercandum. Consule Wedel. *de viribus opii in Arthritide*. Illud vero dicto modo applicatum urgente necessitate probamus, ne acerbitas dolorum alia inducat mala, ut convulsiones, pervigilium, quæ mala præcavere tenetur Medicus. Quantus eheu Medicus, qui sedare scit dolorem, clamat æger! Cæterum pingua merito exulent, eo quod poros obstruant. Sincerius penetrantia iis præferenda, ut spiritus vini camphoratus. *Vidimus inquit Wedelius opiolog. pag. 83. a spiritu lumbricorum urinoso volatili sæpe in momento dolores Arthritidis vagæ conticuisse.* Idem in fixa obtinere potest. Oleum destillatum carannæ, tacamahacæ, succini, ex his fit linimentum, quo illinatur locus. Tacamahaca singulare quid possidere contra Podagram dicitur, juxta illud Poëtæ:

Indomitam lenit tacamahaca Podagram.

§. X L V I I I.

Stricturam nunquam indicari existimamus, nisi in principio mali pars affecta nimis laxa fuerit, in hoc casu præstat illam pannis laneis, *vulgo flanel*, fumo succini, mastichis, thuris accensi imbutis fricare, frictionem pro re nata repetere.

§. X L I X.

Interna medicamenta sparsim indicavimus, præcipua cura
in


in conveniente diæta versatur *Cum ego olim*, inquit *Sennertus*, *articulorum doloribus vexarer*, & *varios de ea re legerem Auctores*, in eo omnes consentire animadverti, in *Arthritidis curatione plus spei in bona diæta*, quam in *medicamentis ponendum esse*. Specificum ignoratur, cognitæ causæ oppositum optimum. Arcanum corallinum Paracelsi ab Helmontio repetitum nescimus.

§. L.

Duæ tantum sunt indicationes, 1^o. restitutio viscerum labe-factorum in integrum, 2^o. ablatio liquidi corrupti fluentis in vasis, vel stagnantis ad loca. Vid. Boerh. *Aph.* 1274. quibus, & quo modo hæc duo præstari possunt, præclare Auctor in sequentibus Aphorismis absolvit, ad quem L. B. remittimus, iis cum nil addere adhuc sciam, spem Archiatro supremo omnis salutis Auctori committo, qui consilia, rationem, & experientias meas dignetur dirigere in sui gloriam, ægrorum solamen, & Artis, quam misericors hominum infirmitati concessit, honorem.

F I N I S.





COROLLARIA.

I.

Rheumatismus ad Cacochymiam ; Arthritis ad Febres intermittentes pertinet.

II.

Omnis fere Arthritis fit metaptosi.

III.

Consideranda est ut crisis Rheumatismi aut februm sive intermittentium, sive continuarum metastatice ex parte aut integre solutarum.

IV.

Nec hæreditaria hic excipienda.

V.

Hec supponit Cacochymiam Rheumaticam, canaliumque angustiam singularem, debilitatem.

VI.

Character Podagricus Helmontianus supponit prædicta omnia.

D

VII.

VII.

*Bacchus & Venus confederati potentissimi sunt
tam ad inducendum, quam ad curandum
hunc affectum.*

VIII.

*- - - - - data tempore profunt,
Et data non apto tempore vina nocent.*

IX.

*Idem de opio verum, sive interne, sive externe
adhibitum.*

X.

*Ars cum natura sanat, contra eam agendo
cet.*

XI.

Natura, quid Medico agendum, monstrat.

XII.

Cognita ejus intentio felicem facit Medicum.

XIII.

*Saluberrima medicatio est illa, quæ fit sine of-
fensione. Horstius ex Fernelio; Hic
Hippocrate; Hippocrates ex judicio natu-
ræ, cujus præcepta sunt recte agere, ne-
minem lædere.*